



Bekalan Barangan Asas Dan Barangan Terkawal Di Limbang Mencukupi

APRIL 28, 2020

LIMBANG: Kementerian Perdagangan Dalam Negeri dan Hal Ehwal Pengguna (KPDNHEP) Cawangan Limbang telah mengadakan aktiviti penguatkuasaan di sekitar Bandar Limbang pada Isnin.

Memetik laporan UKAS, aktiviti penguatkuasaan KPDNHEP memberi fokus kepada pemeriksaan Bekalan Makanan Peringkat Borong dan Runcit, pemantauan 'Panic Buying' dan pemeriksaan di bawah Akta KPDNHEP.

Hasilnya, barangan makanan keperluan asas adalah mencukupi seperti ikan, ayam dan telur serta barangan kawalan. Dalam pada itu, premis di Bandar Limbang dalam keadaan terkawal dan tidak berlaku 'panic buying' dalam kalangan pengguna.

KPDNHEP memberi amaran kepada pengusaha premis untuk tidak menaikkan harga barang keperluan menjelang Ramadan.

<https://tvsarawak.com/bekalan-barangan-asas-dan-barangan-terkawal-di-limbang-mencukupi/>